

# Luis Trenker, Tobias Moretti y i guanc dala gherdëina

Na bela cunlaurazion danter la lies dal guant dala gherdëina iel unit a s'l dé n ucacion dl film nuef che à da n fé cun la vita de Luis Trenker



Pra l fim de Luis Trenker cun Tobias Moretti à fat pe a bela cumpéida da Gherdëina, cun si bela trohtes.

**Film** - Ti mëns de juni y lugio àn tèut su te Südtirol, Nordtirol, Unieja y Minca n film dla vita de Luis Trenker dal titul "Luis Trenker - Der schmale Grat der Wahrheit". L film trata dla cumpetition danter Luis Trenker coche reghisser y la reghissera Leni Riefenstahl. La firmes de produzion ROXY Film de Minca y EPO Film de Vienna se à metù adum per tò su cu l reghisser Wolfgang Murnberger chësc film, ulache l atëur cunesciù Tobias Moretti ie l protagonista Luis Trenker, Peter Mitterrutzner de Albeins ie l pere de Luis Trenker.

## La produzion a Persenon

L team de produzion à si sënta tl Hotel „Grüner Baum - Stremitzer“ y tl Residence „Gasser“ a Persenon, per pudèi da ilò arjonjer duta la luegas ulache l film vén tèut su.

Per chësc film öven debutjén de na bela cumpéida de gherlandes spizes y de slapes, coche ti ova spiegà la representanta dla firma de casting a Sandra Comploj, la presidenta dla Lia Guanc dala gherdëina - Urtijëi. La firma de casting éssa ulù impresté ora la trohtes, pervia che ei ova bele cris ora na gran cumpéida de cumparses per l film. Ajache i ie debutjén de savéi coche n se furnesc cun i guanc dala gherdëina do la regules tramadedes, ne ulöven nia impresté ora chisc guanc che à nce si valor, cun si zandli drët fins, i vedli pienesc de corn che ne n'ie nia plu da giaté, i gurmiei de séida y l'antlaries che toca pra uni guant.

## Te Funes y a Ciastel

L fova udù dant de tò su chëi dal guant dala gherdëina y de Ciastel te doi dis: ai 1. de lugio te Funes y ai 4 de lugio a Ciastel.

N ucacion dla Dumënia dai Andli ova i representant dla Lies Guanc dala gherdëina pudù ti mandé ai cumëmbri che fova unic cun la troht ala pruzescion, chiche éssa d'l'aurela de se furni y legréza de se lascé tò su pra chësc film nuef

de Luis Trenker. Dala lista dla personnes despunibles ova la firma de casting cris ora Mary Kerschbamer Kostner de S. Cristina, Dora Mussner Runggaldier y Patrizia Ciechi Crepaz de Urtijëi per uni furnides coche cumparses cun la slapa ai 1. de lugio a S. Magdalena te Funes. L medemo di fova Nadine Kostner y Valeria Soppelsa unides te Funes furnides cun la gherlanda spiza. Tla prima scena ulova l reghisser che la cumparses passessé dan la vedla dlieja de St. Magdalena via.

## Ancunteada a Urtijëi

Tla seconda scena jiva la blòta jéunes Nadine y Valeria, y do èiles Dora Mussner Runggaldier deberieda cun n él de Ciastel su per na scela per se prejeté dan Tobias Moretti alias Luis Trenker, che chiروا ora la cumparses per si film te na vedla stua dl Trenkerhof a St. Magdalena. Te stuu ti àn damandàà la mutans de rujené vel' parola per gherdëina. Nce duta l'autra cumparses messova jì de viers dl Trenkerhof, per fé semié la scena propi coche la sarà stata zacan canche Luis Trenker chiروا ora la jént per si films.

## Ancunteada cun Tobias Moretti

I guanc dala gherdëina ti ova plajù dassénn ala jént dl film y nce al'autra cumparses, che se nuzova dla pauses per fé fotografies y

damandé velch n con' de nosc bieci guanc y de nostra rujeneda interessanta.

N vënderdi ai 4 de lugio iel stat 1 di ulache n à ulù abiné adum la majera cumpéida de èiles dala slapa y gherlandes spizes de Gherdëina, gherlandes spizes de Ciastel, èiles cun la troht de Ciastel y èi dal guant de lèudn per l film. L ne n'ie nia stat sauri a abiné adum truepa slapes, pervia che l fova tèmp de feries y vel' una messova laure, ma dantaldut ajache i carsetli per la slapes, che la lies dai guanc dala gherdëina à te si magasins dai guanc ie unic fai sun mesura dla jént da zacan, scialdi pitla y megra permez ala jént de Gherdëina d'al didancuei. Per abiné adum na bela cumpéida de trohtes ova la firma de casting ti ultimi dis nce scumencia a crì èi y èiles dala bagana.

## Pra l Oberstompeterhof a Ciastel

Ai 4 de lugio piova via la curiera da Sèla dala 7 daduman per tò pe a duc chëi dal guant dala gherdëina per furné de viers de Ciastel, ulache cun na miendra curiera univa duc menei pra n luech da paür, l Oberstompeterhof, ulache n ova na beliscima ududa dl Scilier y de si piza Santner, coche la univa representeda tl film "Der verlorene Sohn" de Luis Trenker. Damprovia s'abinova ilò nce la jént da Ciastel cun si trohtes, tréi jéunes dala gherlanda spiza, za. 25 èiles cun l ciuf, l piene de corn, na ciamëija blancia y na rocia foscia, n fazulét y n gurmel brum, y za. 20 èi dal guant de lèudn. N él se furniva ilò da pluan y doi pitli mutons se furniva da ministrone. L fova nce in valgun jéuni che purovva l valon y cater èi che purovva l celèur, propri coche pra la pruzescion de Dumënia dai Andli.

## Co iel pa uni tèut su la scenes?

Ntan che la jént dl film se njeniova ca per tò su la prima scenes, ti univel spiegà ala cumparses che lauré pral film ulova dì aspitè cun pazienza l mumënt ulache l reghisser ova debutjén dla cumparses y fé l miec chël che él

Patrizia Ciechi Crepaz



Tobias Moretti cun la doi jéunes dala gherlanda spiza Nadine Kostner a man ciancia y Valeria Soppelsa.



Da man ciancia: Valeria Soppelsa, Mary Kerschbamer Kostner cun la slapa y Nadine Kostner.



Luis Trenker (Tobias Moretti) cun a man ciancia Dora Mussner Runggaldier y Patrizia Ciechi Crepaz, tramedoves cun la slapa.